



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1413/13
Sarajevo, 10.7.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

| | | | |
|------------------------|-----------------------|------------|--------------|
| PRIMLJENO: 11-07-2013 | | | |
| Organizaciona jedinica | Klasifikaciona oznaka | Redni broj | Broj priloga |
| 01-50-1-15-47/13 | | | |

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 56. sjednici održanoj 10.7.2013. godine, utvrdilo je Odgovor na zastupnička pitanja koja je postavila Dušanka Majkić, zastupnica u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupnici.

S poštovanjem,

GENERALNI TAJNIK
Zvonimir Kutleša



BOSNA I HERCEGOVINA
VIJEĆE MINISTARA

Broj: 05-50-1-1413/13
Sarajevo, 10.7.2013. godine

Dušanka Majkić, poslanica u Predstavničkom domu Parlamentarne skupštine Bosne i Hercegovine, na 47. sjednici Predstavničkog doma održanoj 14. aprila 2013. godine, postavila je sljedeće poslaničko pitanje:

- 1) Kada će ministar odbrane odgovoriti na moje poslaničko pitanje postavljeno na 28. sjednici Predstavničkog doma PS BiH od 24.05.2012. godine?
- 2) Kada će ministar odbrane odgovoriti na moje poslaničko pitanje postavljeno na 37. sjednici Predstavničkog doma PS BiH od 06.12.2012. godine?
- 3) Šta ministarstvo trenutno radi na rješavanju viškova pokretne vojne imovine i da li su na snazi zaključci i prijedlozi Komisije za provođenje postupka rješavanja viškova pokretne vojne imovine, akt broj: 16-14-03-03-25-5-197/12 od 22.02.2013. godine?“.

Na postavljeno pitanje, Vijeće ministara Bosne i Hercegovine je na 56. sjednici održanoj 10. 07. 2013. godine, utvrdilo sljedeći

ODGOVOR

- 1) Ministarstvo odbrane Bosne i Hercegovine je aktom, broj: 06-03-25-2369-1/12 od 25.06.2012 godine, odgovorilo na pitanje poslanice g-đe Dušanke Majkić postavljeno na 28. sjednici Predstavničkog doma Parlamentarne skupštine Bosne i Hercegovine, održanoj 24.05.2012. godine.
- 2) Na pitanje poslanice g-đe Dušanke Majkić postavljeno na 37. sjednici Predstavničkog doma Parlamentarne skupštine Bosne i Hercegovine, održanoj 06.12.2012. godine, Ministarstvo odbrane Bosne i Hercegovine je pripremilo odgovor i očekivalo prezentaciju sadržaja po navedenom pitanju u okviru poslaničke inicijative g-đe Dušanke Majkić za raspravu na sjednici Predstavničkog doma o temi: „*Posljedice uništavanja municije i minsko - eksplozivnih sredstava (MiMES) na poligonu Barbara po lokalno stanovništvo u općini Glamoč*“.

Vežano za navedenu inicijativu, Ministarstvo odbrane Bosne i Hercegovine je aktom, broj:11-03-25-348/13 od 18.01.2013. godine, upoznao Predstavnički dom Parlamentarne skupštine Bosne i Hercegovine o provođenju aktivnosti na izradi Projektnog zadatka koji obuhvata operacije uništavanja MiMES na poligonu „Glamoč“. Istim aktom, navedeno je da će se po izradi Projektnog zadatka izvršiti radna posjeta poligonu „Glamoč“ na koju će se od strane Ministarstva odbrane Bosne i Hercegovine pozvati Zajednička komisija za odbranu i sigurnost Bosne i Hercegovine, Parlamentarni vojni povjerenik i predstavnici Općine Glamoč. Planirana radna posjeta je realizirana i uslijedile su aktivnosti na rješavanju pitanja uništavanja MiMES na poligonu „Glamoč“. U okviru navedenih aktivnosti, u više navrata ostvareni su kontakti i radni sastanci sa predstavnicima Općine Glamoč i lokalne zajednice u Glamoču. Takođe, u okviru aktivnosti prihvaćena je i implementira se pomoć NATO.

Materijal koji je Ministarstvo odbrane Bosne i Hercegovine pripremio za raspravu o temi: „Posljedice uništavanja municije i minsko - eksplozivnih sredstava (MiMES) na poligonu Barbara po lokalno stanovništvo u općini Glamoč“, te koji predstavlja odgovor na pitanje poslanice g-đe Dušanke Majkić postavljeno na 37. sjednici Predstavničkog doma Parlamentarne skupštine Bosne i Hercegovine, održanoj 06.12.2012. godine, je kako slijedi:

1. Trenutno uništavanje MiMES-a na poligonu Glamoč izvodi kompanija „Sterling International“ u skladu sa Tehničkom arazmanom za pomoć u uništavanju lakog oružja i raznih vrsta municije. Uništavanje MiMES-a se izvodi od 07.03.2012. godine.
2. Uništavanje MiMES-a se izvodi u skladu sa Planom uništavanja sredstava označenih za uništavanje metodom otvorene detonacije, na poligonu Glamoč koji je definiran Odlukom Predsjedništva Bosne i Hercegovine o veličini, strukturi i lokacijama Oružanih snaga Bosne i Hercegovine.
3. Planom uništavanja sredstava označenih za uništavanje metodom detonacije na otvorenom propisan je tehnološki postupak kojim se vrši uništavanje MiMES-a od strane kompanije „Sterling International“.
4. Tehnički arazman podrazumjeva pomoć State Departmenta SAD u oblasti uništavanja viškova malog i lakog oružja te raznih vrsta municije u BiH. Potpisan je dana 14.12.2011. godine te ratificiran na 24. redovnoj sjednici Predsjedništva Bosne i Hercegovine održanoj 25.06.2012. godine. Tehnički arazman objavljen je u „Službenom glasniku BiH - Međunarodni ugovori“, broj: 11/12 od 27.09.2012. godine. Količine MiMES-a za uništavanje metodama detonacije i delaboracije definirane su Planom operacija sa MiMES-a za tekuću godinu kojeg odobrava načelnik Zajedničkog štaba Oružanih snaga Bosne i Hercegovine. Za sve količine MiMES-a koje su planirane za uništavanje donešene su odluke Predsjedništva Bosne i Hercegovine na osnovu kojih su donešena rješenja Ministarstva odbrane Bosne i Hercegovine za uništavanje. Planom operacija sa MiMES-a za 2013. godinu predviđeno je uništavanje cca. 1.693 tone MiMES-a od čega 634 tone metodom delaboracije, 713 tona metodom spaljivanja i 346 tona metodom detonacije na otvorenom.
5. U periodu od septembra 2011. godine do marta 2013. godine izvršeno je 5 (pet) analiza zemljišta i to 4 (četiri) od strane Federalnog zavoda za agropedologiju i 1 (jedna) od strane instituta Medical of Hearts Banja Luka čiji se rezultati očekuju u narednom periodu. Rezultati analize zemljišta Federalnog instituta za agropedologiju iz septembra 2012. godine pokazali su prisustvo teških metala i to kadmija, bakra, nikla i cinka. Navedeni teški metali po analizi iz navedenog perioda prelaze granične vrijednosti po kriterijima za poljoprivredno zemljište.
6. Analiza zemljišta na poligonu Glamoč realizira se jednom do dva puta u šest mjeseci dok se remedijacija zemljišta vrši periodično upotrebom teških inženjerijskih strojeva. Analizu zemljišta vrše ovlašteni Instituti a kako je navedeno u odgovoru broj 5 (pet).
7. Za svaku količinu MiMES-a koji se uništava detonacijom na otvorenom pravi se zapisnik o uništenju te izrađuje kompletna materijalna dokumentacija.
8. Kontrolu i verifikaciju uništavanja MiMES-a vrši Tim Oružanih snaga Bosne i Hercegovine za verifikaciju uništavanja koji je imenovan Odlukom ministra odbrane Bosne i Hercegovine te koji je stalno prisutan na poligonu Glamoč uz predstavnika kompanije „Sterling International“.
9. Proces delaboracije MiMES-a je aktivnost koja se kontinuirano realizira u Radionici Oružanih snaga Bosne i Hercegovine za remont i održavanje MiMES-a u Doboju, u skladu sa Planom operacija sa MiMES-a za tekuću godinu.
10. Ministarstvo odbrane Bosne i Hercegovine poduzima sve aktivnosti u cilju što bolje saradnje sa općinskim vlastima i lokalnom zajednicom općine Glamoč, sa kojima su u više navrata održani sastanci po pitanju problematike vezane za uništavanje MiMES-a na poligonu Glamoč.

3) Trenutne aktivnosti na na rješavanju viškova pokretne vojne imovine su:

1. Prodaja viškova pokretne vojne imovine

Na osnovu zaključka i prijedloga Komisije za provođenje postupka rješavanja viškova pokretne vojne imovine (u daljem tekstu : Komisija), dana 07.03.2013. godine održan je radno-konsultativni sastanak kome je prisustvovao ključni menadžment Ministarstva odbrane Bosne i Hercegovine i Zajedničkog štaba Oružanih snaga Bosne i Hercegovine. Prezentaciju o trenutnom stanju rješavanja pitanja viškova pokretne vojne imovine, sa posebnim osvrtom na preporuke sa radionice u Doboju kao i zaključke i prijedloge Komisije za dalji rad, izvršio je predsjedavajući Komisije, brigadni general Mirko Tepšić.

Ministar odbrane je na osnovu prezentiranog stanja definirao slijedeće zaključke sa sastanka:

1. U potpunosti se prihvata prijedlog Komisije u vezi sa rješavanjem viškova pokretne vojne imovine putem prodaje a na način kako je to prezentovano na sastanku.
2. Najodgovornija lica u Ministarstvu odbrane Bosne i Hercegovine i Oružanim snagama Bosne i Hercegovine su saglasni i jednoglasno prihvataju predloženi način rješavanja viškova pokretne vojne imovine putem prodaje.
3. Svi prisutni na sastanku se zadužuju da probleme, rezerve, dopune ili prijedloge dostave Komisiji, a u skladu sa zaključcima pod 1. i 2.

Na osnovu zaključka pod 3, predsjedavajućem Komisije su pristigla tri prijedloga/stava učesnika sastanka, koja ne utiču na realizaciju zaključaka.

O statusu realizacije zaključaka sa sastanka, Komisije je izvijestila ministara i zamjenike ministra odbrane, dana 15.03.2013. godine.

2. Donacija viškova pokretne vojne imovine

Komisija je 29.01.2013. godine usvojila prijedlog odluke da se Predsjedništvu Bosne i Hercegovine predloži donošenje odluke za donaciju sredstava iz viškova naoružanja, municije i minisko-eksplozivnih sredstava Oružanih snaga Bosne i Hercegovine agencijama za provođenje zakona i institucijama registrovanim za obavljanje muzejskih djelatnosti u Bosni i Hercegovini. Navedeni prijedlog je još uvijek u postupku razmatranja.

3. Uništavanje

Komisija je usvojila prijedlog odluke da se Predsjedništvu Bosne i Hercegovine predloži donošenje odluke za uništavanje municije i minsko-eksplozivnih sredstava predložene za uništavanje na osnovu kontrolno-tehničkog pregleda izvršenog u 2013. godini.

4. Ostalo

Komisija je uputila preporuku nadležnim u Ministarstvu odbrane Bosne i Hercegovine i Zajedničkom štabu Oružanih snaga Bosne i Hercegovine da se izradi jedinstven sistem evidencije i vođenja viškova, uporediv sa Rješenjem o viškovima naoružanja, municije i minisko-eksplozivnih sredstava iz 2009. godine. Izvještavanje Komisije o promjenama bi se vršilo kvartalno.

Komisija je također uputila nekoliko odgovora na zahtjev za privremeno ustupanje i prodaju materijalnih sredstava Oružanih snaga Bosne i Hercegovine iz viškova.